

6. Die Samaritaanse vrou

Johannes 4:1-42

VERWELKOMING:

5 MIN

YSBREKER:

25 MIN

- Watter plekke moes jy vermy toe jy groot geword het?
- Wat is die interessantse drankie wat jy al gedrink het? Wat is jou gunsteling drankie?

AANBIDDING:

5 MIN

Praat met mekaar vir 3 minute oor wie Jesus is. Gee dan 2 minute vir stilgebed.

BYBELSTUDIE:

35 MIN

Lees Johannes 4:1-42 deurdat elkeen een vers hardop lees.

- Die Jode en Samaritane het mekaar gehaat en mekaar vermy. Die meeste Jode het selfs die langpad om Samaria gevat as hulle moes reis. Waarom gaan Jesus Samaria toe?
- Die Jode het mans gewaarsku om nie met vroue in die openbaar te praat nie. Samaritaanse vroue moes hulle totaal vermy. Hierdie vrou was waarskynlik nog 'n prostituut ook! (Daarom kom sy alleen en in die middel van die dag na die put toe.) Waarom praat Jesus met haar? Wie is daar wat ons "geprogrammeer" is om te vermy (ons Samaritane/vroue/prostitute)?
- Watter eienskap van die samaritaanse vrou beïndruk jou die meeste?
- In vers 26 maak Jesus vir die eerste keer bekend dat Hy die Messias is – en dit aan 'n Samaritaanse vrou. Wat beteken dit vir ons?
- Lees weer vers 29. As prostituut wat deur die dorp vermy is, het almal in elk geval geweet wat sy doen. Wat het gemaak dat die mense na Jesus toe kom? Hoe kan ons manier van leef en praat mense na Jesus bring?
- Lees weer vers 39. Hoe maklik was dit vir Samaritane, wat Jode haat, om deur 'n prostituut, wat deur hulle verwerp is, oortuig te word dat die Jood wat by die put sit die Messias is? Wat kan ons daaruit leer?
- Wat maak die samaritaanse vrou besonders?

DIENSWERK:

5 MIN

Praat met mekaar oor julle dienswerkprojek in die gemeente.

GEBEDSRIGLYN:

10 MIN

Maak groepies van 3. Praat met mekaar oor wat julle wil bid, ook na aanleiding van vandag se gesprekke. Bid dan saam.

